


嘉靖尋甸府志

七世350187
1225
*p5:12



天一閣藏明代方志選刊

尋甸府志

一九六三年八月上海古籍
書店據寧波天一閣藏明嘉
靖刻本景印原書版框高二
一·〇公分寬一四·八公分

叙尋甸府志



嘉靖戊申春尚用承乏守尋甸惴惴焉以弗克勝爲患鞭駑策鈍強勉敬事越二年政漸通而士民寡怨咨也公庭暇而簿書無束冗也爰稽類考跡索郡乘於掌故僉曰歟也余矍然曰志者郡典也尋雖

尋甸府志

一

昔爲土部而改設沅官涵濡

聖朝文化有年矣衣冠禮樂頗埒中土亦久矣可缺是典而使文獻無徵於郡耶有應者曰尋無宿典無老成人無文籍歟名公鉅卿將曷志之能余復嗟曰若是則尋安於夷而終無可志之日耶廼檄郡博張

子鎬而集議焉託鄉士夫姚子桂
馬子汝寧施子大法而索故焉委
郡幕陳子梓貢士張子騰而博采
焉時則有昆明邑庠生祝子誠入
郡開講而以志事分任焉於是考
之雲南通志詢之父老叅之往牒
而得其槩析類分註仇校互訂歷
數月而志可觀夫郡有志猶

國史也有治道寓焉是故曰星野治
之象也曰提封治之基也曰官守
治之人也曰學校治之倡也曰創
設食貨治之具也曰惠政治之實
也曰風俗治之驗也貢舉所以昭
治也武備所以衛治也祀典所以

祐治也與夫人物烈婦之彰興起
治道者也外志藝文之詳紀載治
道者也志成而一郡之典章文物
綱目畢具厥類不同同歸於爲治
焉爾矣矧書公以允覈實以貞激
勸在焉守茲土者其賢與否無容
於混淆也循名責實人皆得指而

議之後先淬勵罔不以實心行實
政將使吾尋世世蒙治安之福矣
是故志也者可以資治也第荒於
學而考索弗精嗇於辭而潤色弗
工茲余之所歎焉者也姑刻之以
俟賢者重正於異日

嘉靖庚戌仲冬望

中憲大夫知尋甸府事安福湛江
王尚用書

尋甸府志目錄

卷上

郡譜一

星野二

提封三

古蹟四

風俗五

尋甸府志目錄

創設六

食貨七

官守八

學校九

武備十

祀典十一

惠政十二

卷下

貢舉十三

人物十四

烈婦十五

外志十六

藝文十七


附錄十八

修志義例

志者記也所以記一郡之典章文物也首圖繪周禮九州圖義也次郡譜春秋世序表義也圖繪明則衆物之形備譜系著則沿革之道彰由是星野以別儀象提封以紀疆域古蹟以憲往事風俗以示勸

尋甸府志義例

懲創設以表位署食貨以厚民生官守以重責任學校以重文教武備以謹防守祀典以崇功德惠政以昭仁愛貢舉以通賢路人物以彰俊良烈婦以尚貞節外志以備他道藝文以徵述作而志於是乎終焉



川百里

北至東川府界一百里抵治四百里

西至

東至

西至武定府界二百里抵治三百里


東至馬龍州界十五里抵治一百里

西南至普渡河三百里

南至嵩明州界六十里抵治七十五里

里十八

東南至木密所



尋甸府志卷上



知府安福王尚用修輯

郡人貢生張騰編次

昆明庠生祝誠校訂

郡譜

古滇國地昔棘刺蠻居之無郡縣其部曰仲
劉溢源後烏蠻之裔新丁奪而有之至四世
孫因其祖名新丁以爲部號語訛爲仁地或
云蒙氏爲尋甸段氏改仁德部元憲宗五年

尋甸府志上卷

內附明年立本部爲仁地萬戶府至元十三
年改仁德府領高明馬龍二州爲美歸厚二
縣自土酋安洋叛後改高明爲嵩明屬雲南
府馬龍屬曲靖府

國朝洪武中改尋甸軍民府尋省二縣入馬親領編
戶七里前此俱土官掌府事成化十二年第
兄爭襲相讐殺於是雲南奉

勅大臣奏除流官

出雲南志

按尋甸舊爲夷郡譜系漫無所稽雖雲

南通志所載亦畧也夫滇通中國其來遠矣郡縣之置實自漢始蒙氏內附實自元始改設流官又自我

朝成化始風氣之開治安之漸其亦有數也歟

星野

井鬼一統志云雲南禹貢梁州之域分星井鬼尋甸屬雲南亦梁州地也上應井鬼

按易曰在天成象在地成形故周官保章氏以星土辨九州之封域各有分星

蓋欲隨其土之所屬應其星之所臨也故因其分星可以別其土地因其常變可以察其災祥象垂於上事應於下非偶然者身斯民之寄者可不知所謹惧哉

提封

城池

圖分

府治疆域延袤三百里廣二百五十里東至馬龍州界五十里抵治一百里南至嵩明州界六十里抵治七十五里西至武定府界二

百里抵治三百里北至東川界一百里抵治
四百里東南到木密所治六十里西北到雪
山二百里東北到霑益州治三百里西南到
普渡河三百里東北至南京八千里正北至
北京一萬二千三百里南至雲南布政使司
二百里

按辨方正位體國經野周官之制也先
王之不惜於割地而無嫌於分民者何
哉蓋土若是廣民若是衆一人難於獨
理故與賢者共之耳此豈徒富貴之而
已哉惟欲柔遠能邇以定我王也有斯
責者均當念之欲用夏變夷者尤當加
之意焉

城池

府舊無城至成化十九年知府屈伸始築
土城置三門出省志狹隘殆甚居者艱之
正德九年知府戴鰲增拓之周遭三里許
建置四門東曰大有西曰高岡南曰清流

北曰鳳梧去今城北僅半里嘉靖六年爲
銓賊所破當道者議移府設所爲善後計
請于

上可之嘉靖十一年都御史顧 御史劉 同都布
按三司親詣相度地宜遂城於此維時提
調於上者按察司僉事劉督工者本府知
府劉秉仁通判文誠指揮王章等其城雉
堞高一丈九尺周遭五百三十丈梁頭九
百一座梁眼九百一空皆磚石也城門樓
四座東曰啓明西曰寶成南曰朝宗北曰
拱辰城舖八座有言言乞乞之狀皆鳳梧
所官軍守護啓閉鎖鑰雖屬之所而查點
封號府實主之也

按城以衛民古制也然君子猶有不顯
恃於此者何哉蓋天時不如地利地利
不如人和欲得人和惟在發政施仁而
已故詩曰懷德維寧宗子維城傳曰在
德不在險此之謂也况尋城旣破於姦

夷而後車當戒乎前轍有千城之寄者

毋徒曰新城有金湯之固也

圖分

山村也塘壩池
山川形勝景致

府圖分割四方為七里宣化甸頭二里界
在東分為六馬果馬里界在南分為三馬
田饒宜稻倘甸亦即里界在西分為六馬
那釐乞曲里界在北分為三馬田多瘠設
通事以部錢糧公務火頭以撫安夷民皆
主宰於府也

村分

上村

在府治右右半里今改築新城

下村

在新城左去城半里

朱家村

在府治東二里

張家村

在府治東三里

何鑑村

在府治西北三里

沙林甸村

在府治東二里

趙家村

在府治東北二里

鳳梧村

在府治東北三里

矣卜村

在府治東北五里

竹園村

在府治北四里

上古城村

在府治東二里

下古城村

在府治東四里

魯北村

在府治東五里

道源村

在府治東五里今建華書院養濟院

新豐村

在府治東六里

木龍村

在府治東六里

曰甲村在府治南二里舊旭村在府治南二里

三板橋村在府治南三里月甸村在府治東南三里

洗李関村在府治南五里官塘村在府治南八里

新合村在府治南十里猪街子村在府治南十三里

鹽井村在府治南十五里可益村在府治東南十五里

法丈村在府治東南十五里法古村

矣竜村矣額村

初柰村魯克村

恩華村五戛村在府治東北十里

江外村矣則華村

江頭村勒當村

寧則足村以上俱在府東南十二里

屯分

新合屯在府治南二十里以郎屯

倘甸屯可度俱在府治西北一百二十里

擺立屯在府治西三十里小竹溝屯在府治西二十里

乞曲屯在府治北二百里以上俱鳳梧所屯

海子屯在府南十里熱水塘屯在府治南四十里